

Redovni izvještaj dnevnih događaja i pojava

Izvještaj se odnosi na događaje u vremenskom periodu od 23.06.2026. godine od 08:00 sati do 24.06.2026. godine do 08:00 sati. Prema podacima kojima raspolaže Kantonalni operativni centar CZ-e, službe od posebnog značaja radile su na izvršavanju svojih redovnih zadataka.

POŽARI (LP-3)

Grad Bihać- Vatrogasna jedinica grada Bihaća imala je dvije intervencije na gašenju požara:

- od 10:00 do 12:00 sati u naselju Papari, gdje je gorjela trava,
- od 19:00 do 19:37 sati u naselju Čavkići, gdje je gorjela piljevina.

Grad Cazin- Vatrogasna jedinica grada Cazina imala je intervenciju na gašenju požara od 07:10 do 08:20 sati u mjestu Gornja Koprivna, gdje je gorio otpad.

Općina Sanski Most- Vatrogasna jedinica općine Sanski Most imala je intervenciju na gašenju požara od 17:00 do 17:35 sati u mjestu Zdena, gdje je gorjelo nisko rastinje.

Tehničke intervencije:

Grad Bosanska Krupa- Vatrogasna jedinica grada Bosanska Krupa imala je tehničku intervenciju od 14:45 do 15:15 sati, spašavanje ženske osobe iz rijeke Une.

Grad Bihać- Vatrogasna jedinica grada Bihaća imala je tehničku intervenciju, sapiranje kolovoza poslije saobraćajne nezgode.

Vatrogasne jedinice u ostalim općinama i gradovima nisu imale intervencija.

OBLAST SAOBRAĆAJA (prohodnost puteva, drumski i željeznički saobraćaj)

Na magistralnoj cesti M-5 granični prelaz Izačić-Bihać izvode se radovi na rekonstrukciji mosta preko potoka Mrižnica. Vozila se preusmjeravaju na privremenu obilaznicu (bajpas) u neposrednoj blizini radova, naizmjeničnim propuštanjem. Zbog radova na redovnom održavanju na području Laništa na magistralnoj cesti Ključ-Bosanski Petrovac od 07 do 17 sati (osim vikenda) vozila saobraćaju naizmjenično jednom trakom.

Počeli su radovi na sanaciji nadvožnjaka na magistralnoj cesti Bihać-Ripač, na lokalitetu Orljani. Za sada neće biti izmjena na magistralnoj cesti, ali će biti zatvoreno skretanje sa magistralne ceste prema naselju Ribić-Orljani.

Na graničnim prelazima zadržavanja putničkih vozila, za sada nisu duža od 30 minuta.

BEZBJEDNOST U SAOBRAĆAJU (LP-7) (saobraćajne nezgode)

U protekla 24 sata na području Kantona desilo se pet saobraćajnih nezgoda.

Tri lica zadobila su lakše tjelesne povrede, te je pričinjena materijalna šteta.

OŠTEĆENJA ELEKTRIČNE MREŽE (LP-18)

Općina Sanski Most- Od 17:20 sati, zbog kvara, u prekidu je dio 10 kV dv Krečana. Elektroenergetski sistem je stabilan.

OBLAST TELEKOMUNIKACIJA (LP-18)

Telefonske veze funkcionišu u svim pravcima.

OBLAST VODOSNABDIJEVANJA (LP-18)

Vodosnabdijevanje je zadovoljavajuće.

NEEKSPLODIRANA UBOJNA SREDSTVA NUS (LP-19)

Nije bilo prijava pronalaska NUS-a.

METEOROLOŠKO-HIDROLOŠKA SITUACIJA

U gradu Bihaću u 07:00 sati temperatura je iznosila 21 °C.

Vodostaj rijeke Une iznosi 29 cm, (početak obavještavanja je 100 cm).

U općini Sanski Most u 07:00 sati temperatura je iznosila 21 °C.

Vodostaj rijeke Sane iznosi 86 cm (početak obavještavanja je 310 cm).